



حركة التحرير الوطني الفلسطيني - فتح
إقليم استراليا



تمرّة رمضان

العدد الثالث

شراب الورد

المكونات: كوبان من السكر
الأبيض + كوب من الماء +
نصف ليمونة + 3/1 كوب من
ماء الورد.

ماء المهل

المُهْلُ : المعدنُ المذاب، كالفضّة والحديد
والنحاس والذهب

يقول تعالى في الآية 29 من سورة
الكهف بسم الله الرحمن الرحيم (وإن
يستغيثوا يغاثوا بماءٍ كالمهل يشوي
الوجوه بئس الشراب وساءت مرتقفاً)
صدق الله العظيم.

الفلفل المحشي

مكوّنات عجينة الفلفل: 500 غرام من الحمّص المنقوع
لاثنّتي عشرة ساعة. ربع كأس من البقدونس. ربع كأس
من الماء. أربعة فصّوص من الثوم. حبة كبيرة من
البصل. نصف حبة من فلفل قرن الغزال بهار الفلفل
مكوّنات الحشوة: ملح طعام وثلاث ملاعق كبيرة من
السماق. ملعقة صغيرة من دبس الفلفل الحلو. ربع كأس
من الزيت النباتي. حبة كبيرة من البصل مفرومة.





حركة التحرير الوطني الفلسطيني - فتح
إقليم استراليا




حكاوي

ستي

إمعدلة

وينك يا حليلة؟ مش سامعة أخوكي بنادي عليكى؟ يا الله يا ستي هو فش بالدار غير حليلة، حليلة ردي ع إمك حليلة، حليلة ردي ع أبوكي، حليلة إفتحي الباب، حليلة أشطفي حليلة كنسي حليلة إجلي الصحون حليلة أنشري الغسيل حليلة شوفي أخوكي إيش بدو؟ فش حدا إلا بعطيني أوامر وشغلات أعملها، يا ستي والله هيز كثير تعبت. الله بعين يا ستي هيه هيز حيات البنات المعدلات أهلهن بركنن عليهن يعملن مية شغلة بنفس الوكت، وإنتي حركة وشاطرة ومرتبة، بعدينش يا ستي يا حبيبتى إللي بتساعد أهلها الله من سابع سما برضى عليها وأهلها كمان، وإيش بدك غير رضى الله والوالدين.

بالله عليكى يا ستي هو هيز يعني معنى إمعدلة أضل واكفة ع رجل ونص طول النهار، طيب أنا عندي كراية وامتحانات وكمان صايمه عنجد إزهقت وتعبت بديش أرد ع حدا، شو بدهم يعملوا لو ما رديت؟ نفسي أكعد هيز رايقة أتفرج ع مسلسل وإلا أسمع موسيقى وأكعد أتهدل قبال مرائيتي، وإلا بطلعليش أحسن إنى بنوتة. خلصتني حكي يا حليلة وإلا لسه ضايل بكلك هموم تشكيها؟ إسمعي عاد الصافي من بنت كبرت وصارت ختيرة ولكن تتعلمي، البنات المعدلة بتعرف إيش بدها وإيش بنعمل وإيش ما بنعمل، وبالأخير أنتى البنات إللي بالدار، والناس بتلوم إمك إذا بيتكم فيه حوفة زغيرة، وبقولوها ليش بنتك حليلة ما بتساعدك؟ لما نحكي ع البنات المعدلة يعني إنها صارت جاهزة للجيزة وبيت العدل، لأنها تعلمت كل شي بده إياها البيت وإللي عايشين بالبيت كمان. وإنتي بتلحقي تعلمي كل شي رتبي الدار وساعدي أمك وشوفي طلبات أبوكي وأخوي وكمان إكري دروسك وبكي الوكت إلك بدك تذكري ربك شوي وبدك تفرحي بحالك كمان، يعني محاصصة وكل شي حلو يكون إله وكت وعازة، بتعرفي لو إنك تحسبها صح بتعلمي ربحانة دايمًا، وإللي بينطي بيوخذ وأكيد لمليحة بتبين مع الأهل، أخوكي دايمًا بدلك وبدير باله عليكى، وأنا دايمًا بشوفه بجيب لك أغراض وبوخذك معاه مشاوير، وإنتي برضه عمرك ما بترفضى له طلب الله يبعد عنكم عيون الحساد، الله يرضى عليكى كومي شوفي إيش بده أخوكي. حاضر يا ستي هياتتى كايمه





حركة التحرير الوطني الفلسطيني - فتح
إقليم استراليا




خروفية

شوق بوق

كان يا مكان في قديم الزمان، هالصبية الحلوة جوزها أبوها لختيار عجوز حتى يسدّ دينه ويربي أولاده الزغار، وصارت هالصبية إللي اسمها مطبوعة، وهي مثل اسمها مطبوعة، تشتغل ليل إنهار شوي في بيت جوزها هالختيار وشوي في بيت أبوها، وكانت متعلقة بأخوانها الزغار، يا بّي شو بتحب الزغار وبتلاعبهم وبتحب تطعميهن بأيديها وتمسطنهن شعرهن وتغليلهن، كان نفسها تصير إم ويكون إلها ولاد وبنات، بس من وين يا حسرة وجوزها ختیار. وفي مرة من المرات مرقت ع بيت جوزها جنكية (نورية بدوية) وقالت إلها: يا مطبوعة يا إم الأميرة سهاد، بدني منك حاجة وكماجة وأدلك ع إللي مبخالك بكرة وكيف يصير إللي بتحليني فيه، قامت مطبوعة نطت مثل المجنونة، وقالت: إنتن الجنكيات بنات الخلا وما بيحي منكن إلا البلا، أنا لا بدني أغضب أهلي ولا ربي إللي بالسماء، إذا عندك خير خذي مني خيرات وإذا ناوية ع الشر عن عتبه داري ابعدني شبار ومثار، ضحكت الجنكية وقالت لها: بدني تحبلي ويصير لك زغار من لحمك ودمك ويكون من صلب جوزك هالختيار المهري، جايب لك عشبة الحبل.

قالت إلها مطبوعة: وحق العشبة حاجة وكماجة؟ ردت عليها الجنكية: لما يقطع دمك ويمسك حبلك إنتي إللي رح دورني عليّ وتهاديني تا ترضيني ، هذي عشبة مسحورة، من جبل الثلج مقطوفة، مطرح ما إمنا الغولة بتلد ومن دمّاتها شربت هالعشبة وبدفي حضنها نبتت وخضرت. قالت إلها مطبوعة: جربت إكثير ومش زابط مع جوزي إشي؟ قالت لها الجنكية: جوزك جمل والعلة فيكي والعشبة إلك وأنا عاهدت إللي خبرني إني ما أقول إسمك إللي رابط حظك وقاطع رزقك، بتتقعي العشبة بمي من الغيمة مش لامس الأرض، حطي صحنك النحاس فوق ظهر الدار ولما يمتلى لا تتحركي ولا تحطي إيدك فيه، شوي شوي سقطي ورق العشبة فيه، وخلي صحنك مغطى أسبوع وليلة وبعديها إشربي صحنك وإدقني العشبة تحت التوتة، ولما تطرح التوتة ثمارها، لا تنامي مع جوزك أسبوع وليلة وبعدها بتوكلي إنتي سبع حبات توت وحبّة بتطعميها لجوزك وبتنامي معه نوم العشقانة الفسقانة وإذا ما حبلتي بقطعك جدابلي وبمشي قرعة بين الخلق. عملت مطبوعة شو ما قالت الجنكية، وشهر يلحق شهر، حبلت مطبوعة وجوزها سألها كيف صار إللي ما بصير؟ قالت له القصة من طق طق لسلام عليكم، قالها بدك تدوري ع الجنكية وتعطيها إللي طلبته لبعدين تعمل لك عمل وتخليكي إطرحي، سرت مطبوعة بالخلا من ساعة ما نبتت الفجر وصارت تمشي بين النوريات، وسألتهن وجاوبنها: الجنكيات مش مثلنا لا إلهن أرض معروفة، وكل وحدة ووجوزها عايشين لحالهن مش مثلنا عشائر وحمايل، بدك تدوري عليها بالوديان المجلّ والجبال البعل. وديري بالك إذا ما إلقيتها رح تضلي حبة سنتين وبعدها بتتقعي وبتموتي. رجعت مطبوعة ع دارها وقالت لجوزها هيذ وهيذ قالن النوريات، قام جوزها قلها عبي إنا أكل ومي يكفيننا أسبوع وكمان أكل لحمارتنا وخلينا من بكرة إنروح، قامت مطبوعة وعيت مرطبان طحين ومرطبان مربى توت ومطرتين مي وشوية شعير، وطلعوا بعد الفجر جوزها راكب ع لحمارة وهي ماشية قدامهن، ويوم وليله وكمان يوم وليله وكمان ليله ويوم ما شافوا إلا ضباع وسباع لا بشر ولا دشر (حيوانات داشرة). ولبيلة فيها البدر كامل، طلّ عليهم فارس خيله كحيلة، قامت مطبوعة تخبت ورا جوزها، قام الفارس صرخ وقال: يا جنود حاصروا المكان، إلقينا الحمارة إللي حاملة مربى التوت وهظا العجوز المهري وبالينت الصبية إللي حاملة بأيدها شعير وتوت. قام جوز مطبوعة قال للفارس: أحنا ع باب الله لا سرقنا ولا لطشنا وإحنا خدام وإنت سيد الأسياد، قام الفارس ردّ عليه وقاله: أنا بدني الأميرة سهاد إللي بطن مرتك بدني أتجوزها هلقيت وإلا بروح ملكي وعزي؟ قام مطبوعة قالت: الجنكية قالت لي أنه اسمها الأميرة سهاد، بس أنا كيف بدني أعطيك إياها وهي لسه ببطني، قالها الفارس: كلي هاي شعرة، شعرة من راس الغولة، أخذت مطبوعة الشعرة وقالت إذا أكلتها رح توخذ بنتي مني وإذا ما أكلتها رح تذبني، وأنا بدني بنتي ألعب فيها ورببها، قالها الفارس: لجنوده ربطوها وادحشوا الشعرة بثمها غصب، قام جوزها فزعها ونهر الجنود وقال للفارس إللي بتقوله بالهداوة رح بصير، أكلت مطبوعة الشعرة، وطلع من تحتها بالحال الأميرة سهاد وقالت شوق بوق.



كتاب حياتي من النكبة إلى الثورة

-المؤلف : الدكتور نبيل شعث.

- ويقع الكتاب الصادر عن "دار الشروق للنشر والتوزيع" على 550 صفحة من القطع المتوسط.

- إن الكتاب يمزج بين السيرة الذاتية والشهادة التاريخية بأسلوب سردي ومشوق، مشيراً إلى المعلومات القيمة التي يحتويها الكتاب والتجربة الغنية في النضال الفلسطيني التي عاشها د. شعث.

صدر

حديثاً

فراشات فلسطين

الاسم العلمي
Erynnis marloyi
إرينيس مارلوي

